



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Ioannis || Slotani || Geffensis, Sacrae || Theologiae
Profes-||soris, De retinenda fide orthodo-||xa & catholica
aduersus hæ-||reses & sectas, & præci-||puè
Lutherana[m], Li-||bri nouem.||**

Slotan, Johann

Coloniae, 1560

VD16 S 6745

Capvt IX.

urn:nbn:de:hbz:466:1-29875

IOANN. SLO. GEF.

nodum Biturensem compulerant) ait:
Denique exinde, nihil in tempore ma-
lè dictum, nihil in eam quæ tum, se
Christi Ecclesiam mentiebatur, nunc
autem Antichristi est Synagoga, &c.
Quid de Donatistis dicam? de quibus
frequenter scribit Augustinus, quòd
Ecclesiam in Aphrica tantum esse, e-
aque non tota, sed in parte Donati
contenderent? Quid ergo noui fecit no-
stro seculo Martinus Lutherus, qui
cum se nefario scelere ab vnitae ca-
tholica, tanquam ab area dominica se-
parauit, suo cœtui, quem collegit, Ec-
clesiæ nomen vendicauit? Neque e-
nim mirum id alicui videri debet, hē-
reticos tantopere contendere, id quod
non sunt videri. Nam (vt Sanctus Am-
brosius author est) sicut ad impugnan-
dam legem, vera legis, sic ad euerten-
dam Ecclesiam, nomen ecclesiæ osten-
dere conatur.

Ambro. in
epist ad
Titum c. 8.

CAPVT IX.

Possem quidē tibi Cacodoxe, mul-
tis rationibus demonstrare, apud
Lutho-

DE RETI. FIDE. ORT. 16

Lutherum eiusque sectatores, non posse esse catholicam & apostolicam Ecclesiam, si non metuerem me oleum & operam omnem perditurum, eò quòd exploratum habeam, te ita illi sectæ addictum, vt nihil æquo animo tibi dici patiaris, quòd ei videatur aduersari. Quòd si me patienter audias, measque rationes æquo iudicio expendas, non dubito futurum, quin citò sententiam sis mutaturus tuam, vbi cognoueris nõ esse veram Ecclesiam, sed sectam & hæresim perniciosissimam. CACOD.

Quibus ratiocinationibus quæso id te posse docere confidis Orthodoxe? OR.

Vnica. CACO. Quanam? OR. Ista, Ecclesia consistit in vinculo vnionis & pacis, recto vsu sacramentorum, doctrina sana & apostolica, per spiritum sanctum viua traditione, quam ipsa per successione seriem Episcoporum & patrum, ab Apostolis, Apostoli à Christo, Christus à Deo accepit.

Atqui apud Lutheranos omnia sunt extranea, & apostolicę doctrine contraria, vbi & fidei dogmata suspecta sunt

&

Ecclesia catholica in quibus consistat.

IOANN. SLO. GEF.

& sacramentorum vsus minimè ecclesiasticus, sed peruersus, & ab Ecclesiæ cōsuetudine alienus: adhæc neque est apud eos vnionis & pacis vinculum. Cōstat proinde apud eos non esse Catholicam & Apostolicam Ecclesiam. CAC. Audiui rationem, verùm quibus rationibus, quibus scripturis aut autoritatibus eam vnquam confirmabis? Eandem quippe ratiocinationem, & nostri in vestros retorquere possunt, atque demonstrare, hæc omnia apud vos esse extranea & apostolicæ doctrinæ contraria, & proinde non apud vos, sed apud nos esse veram Ecclesiam, vbi omnia hæc in ea puritate administrantur, qua à Christo instituta sunt. ORT. Adstruunt vobis duntaxat inanibus, nihil reuera probantes, aut factò exhibentes. CACO. Quasi tu aduersus eos hæc vnquam posses probare? ORTH. Vtique possum. Verùm quia tempus nos nunc aliò vocat, non volumen tibi trado, in quo singulas propositiones ita munitas & confirmatas probatasque esse confido, vt talpa cæcior sis futurus, nisi lumen veritatis

DE RETI. FIDE ORTH. 17

ritatis relicta perfidia nocte, amplectaris. Mense etenim iam elapso, cum hęc ratiocinationem cum alijs quibusdam exercitij gratia (vt apud nos moris est) proposuissem, ac defendendam suscepissem, rationes omnes quas tunc è sacris literis, atque priscorum patrum orthodoxorumq; doctorũ præclaris monumentis potui colligere, in hoc volumen (vt semper eas ad manum haberẽ) congepsi, quod modò tibi perlegẽdum trado, ea tamen lege & conditione, vt post illius lectionem illud mihi reportes, iudicium tuum de ijs quę in eo continentur, ingenuè prolaturus. CACO. Age fiat. Conditionem recipio. ORT. Sed velim te affectionibus omnibus paulisper semotis, cum vero iudicio volumen euoluere, atque expendere, non à quo, sed quid dicatur: & considerare non quòd aduersum vestros, rationes meæ militent, sed quòd veritas ostendatur, & Dei causa & Ecclesię defendatur. CACO. Curabitur.

Ð LIBER